

**Protocol da la radunanza generala da la
SOCIETÀ LÖ D'INSCUNTER LAVIN**



als 2 avrigl 2025, 20.15h illa Chasa Flianal a Lavin

Preschaints: 21 persunas (vair la glista da preschentscha acclusa) e nos president Padruot Fried
S-chüsats: Mengia Bonifazi, Clà Denoth, Dorli Negri, Mengiafila Luzzi, Claudia Caprez, Christa Pinggera

1. Bivgnaint

Nos president Padruot Fried das-cha salüdar a 21 commembras e commembers a quista radunanza generala. Il president constata cha la radunanza es gnüda convocada tenor ils tschantamaints e perquai abla da trar decisiuns.

La glista da tractandas vain approvada da la radunanza unanimamaing.

2. Tscherner ün scrutinadur / üna scrutinadura

Sco scrutinadura vain tschernüda Tina Puorger da Sent.

3. Preleger ed approvar il protocol da la radunanza dals 27-03-2024

Il protocol da la radunanza generala dals 27 marz 2024 vain prelet ed approvà unanimamaing.

4. Approvar il rapport da gestiun

Il president Padruot Fried prelegia il rapport da gestiun chi cumpiglia la perioda dals 27 da marz 2024 fin als 2 avrigl 2025. Id han gnü lö 3 sezzüdas da suprastanza a Lavin. Ils invids a las sezzüdas e'ls protocols sun gnüts deponats sün nossa nūvla cumünai vla da Google Drive e quels documaints sun accessibels a tuot la suprastanza.

Eir ils cuors han gnü lö cun üna sesantina da participantas e partecipands sco planisà ed il rebomb als 8 cuors ed als referats fich variats d'eiran fich positivs. Nos president ingrazcha fich al comité d'organisaziun.

Davò avoir contactà a duonna Gianna Martina Peer dal Plantahof sun gnüts invidats ils paurs e las pauras da l'Engiadina e da la Val Müstair per üna visita oculara aint in ün chomp da selecziun da Gran Alpin a Lavin, manà da Padruot Fried. L'interess es stat pitschen.

Grond plaschair ans ha fat cha'l Cumün da Zernez ha laschè installar nouva tecnica pro'ls microfons : ün microfon per tgnair in man ed ün seguond per metter intuorn culöz. La qualità dal tun pels auditurs s'ha cun quai amegldrada marcantamaing. Grazcha fich !

Cun pizzas ed ün stupend büfè da salatta sco eir interessantas contribuziuns da las gruppas da lavur e cun chant sun its a fin ils cuors 2024.

La pressa ha rapportà 3 jadas sur da las activitads da nossa Società e quai ans ha fat grond gust.

L'infuormaziun aint ill'Allegra e sülla pagina dal cumün da Zernez ha funcziunà bain. Na dal tuot

satisfacient esi stat cul Radio Rumantsch. (o invlidà obain ün di massa tard.) Per la prüma vouta vaina

annunzchà nossas occurenzas eir aint il chalender electronic da la Lia Rumantscha (www.chalender.ch)

Uen müdamaint haja eir dat prò nossa pagina d'internet. Sün iniziativa da Jachen Erni da la Fundaziun Chasa Fliana es gnüda la pagina veglia actualisada e modernisada d'ürant la stà 2024. Ella es gnüda preschantada a las participantas ed als participants al cumanzamaint dals cuors e dals referats als 22-10-2024. Il scumpartimaint dals cuosts da total frs. 11'776.40 es gnü reglà in üna cunvegna tanter la Fundaziun e la società. La Fundaziun ha surtut $\frac{3}{4}$ dals cuosts e la società $\frac{1}{4}$, vöul dir frs. 2'944.10. Dals quosts chi's repettan minch'on (sporta da servezzan ed adattamaints) surpiglia la società $\frac{1}{4}$ dals quosts. Ils quosts annuals samuntan per la società a ca. frs. 200.- fin frs. 500.- per on. Pel on 2024 sun quai stats frs. 311.30. Pels adattamaints es duonna Martina Rest responsabla.

La situaziun finanziaria da quist on es ün pa our d'equiliber. Perrò grazcha a la buna partecipaziun als cuors ed als sustegns finansials dal Chantun Grischun, da la Corporaziun Energia Engiadina e dals cumüns, Zernez, Zuoz, La Punt-Chamues-ch, Val Müstair, Valsot e Scuol. Nos quint muossa entradas da frs. 26'205.98 e sortidas da frs. 28'517.64, dimena üna perdita da frs. 2'311.66. Quista perdita ha però il Chantun impromiss da surtour, uschea cha a la fin il rendaquint sarà equilibrà. Uena dumonda correspondent a al Chantun vain fatta davö la radunanza generala da quist on.

5. Rendaquint 2024 e rapport dal revisurat

La chaschiera Erica Bischof preschainta il rendaquint 2024 chi muossa pro entradas da frs. 26'205.98 e sortidas da frs. 28'517.64 cun üna perdita da frs. 2'311.66.

Fadri Häfner prelegia il rapport dal revisurat. Ils revisurs da quint Armon Bezzola e Fadri Häfner han revais il rendaquint e la contabilità ed han chattà tuot in bun uorden. Els propuonan d'approvar il rendaquint e dar dis-charg a la suprastanza, quai chi vain fat da la radunanza unanimamaing.

6. Approvar il preventiv 2025

La chaschiera Erica Bischof preschainta il preventiv 2025 chi prevezza pro entradas da frs. 27'525.- e sortidas da frs. 30'400.- ün deficit da frs. 2'875.-. Il preventiv vain acceptà da la radunanza unanimamaing.

7. Fixar las contribuziuns da las commembranzas 2025

Las contribuziuns ed ils cuosts pels cuors restan sco ch'ells d'eiran fin uossa.

Las contribuziuns per las commembranzas da frs. 30.- per singuls, frs. 50.- per conjugals e famiglias, e frs. 80.-- per personas giuridicas vegnan approvadas unanimamaing e restan sco fin quà.

8. Program da lavur 2025

Erica Bischoff preschainta üna survista dals 9 cuors manuals ch'ellas fan quint da scriver oura.

Christiana Willy preschainta ils temas dals 7 referats dals cuors chi cumainzan als 21 october 2025 e d'üran fin als 9 december 2025. Eir quist on es il program dals cuors e dals referats fich varià ed interessant. La radunanza ingrazcha al comité per sia gronda lavur.

I ans fa grond plaschair cha Tina Puorger as ha decisa da dvantar commembra dal team.

9. Elecziuns

Displaschaivelmaing ha nos president Padruot Fried demischiunà sün la fin da l'on da la società e nus eschan fich grats e cuntaints cha pudaina preschantar a Maria Morell sco sia successura.

Ella vain eletta unanumamaing.

10. Propostas inoltradas da commembras o commembers (art. 14, alinea 4 dals tschantamaints)

I nu sun entradas ingünas propostas.

11. Varia

La Società da la staziun a Lavin vain scholta pels 10 marz 2025 ed i sun in chascha ca. frs. . 7'000.-. Els han decis da resguardar il Volg a Lavin cun $\frac{3}{4}$ ed a la società Chasa Fliana cun $\frac{1}{4}$ da l'import.

Jachen Erni, nos commember d'onur declera la relaziun tanter Società/Fundaziun chi nun es uschè clera.

La Fundaziun ha las seguaintas meras per l'Engiadina e la Val Müstair.

La promoziun generala da la vita culturala in Engiadina e Val Müstair

Il sustegn dad activitats sco cuors, referats etc. chi's drizzan a tuot la populaziun e chi promouvan ils contacts socials ed il sustegn dad activitats fisicas e psichicas.

La promovaziun da spüertas da scolaziuns supplementara, pustüt per persunas chi lavuran in l'agricultura.

Per accumplir quista mera, promouva la Fundaziun la realisaziun dad activitats chi correspuondan a las meras da la fundaziun e pussibiltescha l'organisaziun da quistas illa Chasa Fliana a Lavin. Priorità han las activitats da la società Lö d'Inscunter Chasa Fliana. Implü administrescha e mantegna la Fundaziun la Chasa Fliana a Lavin.

- Centrum Fliana
- Fundaziun pissera per las localitats
- Società organisescha ils cuors e referats
- Collavuraziun : Sper ils contacts persunals vaina üna pagina d'internet cumünaivla
Vicendaivla publicaziun da las trattativas sün nossa pagina d'internet
No delegain üna persuna dal cussagl da fundaziun in la suprastanza da la Società.
- L'importanza da nossa lavur es fich gronda ed eu m'allegri sün üna buna collavuraziun cun la suprastanza cun sia nouva presidenta e cul team chi maina tras las occurrenz.

Nos president ingrazcha a la suprastanza, al comitè, als revisurs da quint, ad Anna Margaritta Filli per preparar la sala ed a tuot ils preschaints per la cumparsa e dascha serrar la radunanza a las uras 21 :35.

La suprastanza ingrazcha a nos president Padruot Fried per la fich buna e competente collavuraziun e giavüscha ad el tuot il bun, sandà ed amo ün bel temp per giodair la vita.

Scuol, 11 avrigl 2025

In buna fai, l'actuara

Tina Bott – Margadant

Persunas preschaintas :

Annina Erni, Scuol
Jachen Erni, Scuol
Tina Bott, Scuol
Anna Margaritta Filli, Lavin
Ursina Ganzoni, Sent
Mathilda Pernisch, S-chanf
Christiana Willy, Zuoz
Dumeng Bischoff, Scuol
Erica Bischoff, Scuol
Berta Marugg, Scuol
Linard Marugg
Fadri Häfner, Guarda
Armon Bezzola, Zernez
Nuot Filli, Zernez
Maria Morell
Tina Puorger
Nesa Hugentobler
Curdin Bonifazi, Lavin
Annastasia Parli, S-chanf
Annapatrizia Richert, Bos-cha
Padruot Fried, Lavin
Letizia Brot